

Ընդունելով և միև տեսակի գէնքերը՝ 6000 հոգի — ուրեմն, դործող բանակում կանոնաւոր մարտական ուժեր կան 25,000 հոգի:

Աւելացնելով դրանց վրա նաև թիկունքում ծառայողներին, բեռնակիրներին, կառուցաններին, սպայակոյտը, առողջապահական սպասաւորներին — ընդհանուր թիւ 30 տոկոսը, կը ստանանք բանակի ամբողջ կազմը 34,000 հոգի, խմբերի հետ միասին — մօտ 40,000 հոգի:

Կանոնաւոր թիւքական ուժեր Կարս — Ալեքսանդրապոլ ուղղութեան վրա պէտք է ընդունել 4 դիվիզիա, իւրաքանչիւրի մէջ 3000 հոգի, ընդամենը 12,000: Սուբմարուի ուղղութեան վրա՝ 1 թիւքական դիվիզիա — 3000 հոգի, որը սպառնում է Երևանին: Նախիջևանի ուղղութեամբ՝ բոլշեիկեան ուժեր մօտ 2000 հոգի: Եւ Ղաղախ — Գիլիջանի ուղղութեամբ՝ ազրբէջանցիք և բոլշեիկներ: Այդ կանոնաւոր զօրքերի թիւք պէտք է, ընդհանուր առմամբ, հաշուել 20,000 սէին:

Եթէ դրանց աւելացնենք ոչ-կանոնաւոր ժողովրդական ուժերը, քրդերին և թշնամի գինւած ազգաբնակութիւնը, այդ դէպքում թշնամու ուժերի թիւք պէտք է որոշել բոլոր չորս ուղղութիւնների վրա ոչ պակաս 30,000 հոգուց: Ահա մրցակից կողմերի անկողմնապահ թւահամարը:

Սրա հետ միաժամանակ պէտք է ի նկատի ունենալ Հայաստանի մեկուսացած դրութիւնը, նաւթից, նաւահանգստից դուրկ լինելը, արտաքին աշխարհից կտրւած լինելը (որովհետև ամբողջ հաղորդակցութիւնը Վրաստանի և Եւրոպայի հետ կախւած է մազից — երկաթուղային գծից, որը շուտով կտրւեց): Թնդանօթի ուժերի պաշարը վերջանում է: Յրատեք աւելի սաստկանում են: Հայաստանը շղթայուած է երկաթէ օղակով: Գրաււած և վտանգի ենթարկւած շրջաններից ազգաբնակութիւնը հաւաքուած է Հայաստանի սրտի մէջ»:

Դաշնակիցները, սակայն, ոչինչ չունէին ասելիք: Անգլիայի ներկայացուցիչ Ստոկսը միայն որոշ պատասխան տւեց Ֆորէյն Օֆիսի կողմից. Անգլիան ոչնչով չի կարող օգնել. հայերին ոչինչ չի մնում, բայց եթէ իրեն երկու չարեաց փոքրագոյնը — հաշուել Խորհրդային Ռուսաստանի հետ:

Նոյ. 23-ին Ալեքսանդրապոլ մեկնեց Հայաստանի հաշտարար պատուիրակութիւնը — Ա. Խատիսեան (նախագահ), Ա. Գիլիխանյան, Ս. Ղորղանեան, Վ. Մինախորեան և այլն: Մի օր յետոյ այնտեղ դնաց և Բ. Մալեանին, որ Լեզրանի հետ եկել էր Երևան և խորհրդակցել կառավարութեան հետ իր անելիքների մասին: Թիւքերը մերժեցին ընդունել Մալեանի միջնորդութիւնը և նա Ալեքսանդրապոլում գրադեց հակադաշնակցական ժողովներով ու ճառերով:

Հաշտութեան բանակցութիւնները սկսեցին նոյեմբեր 25-ին: Իբրև նախապայման, հայերը յայտարարեցին, որ իրենք հրաժարուած են Սևրի դաշնագրից: Պայմանների իր նախագծով հայկական պատուիրակութիւնը պահանջում էր ամբողջ Ռուսահայաստանը, Վանի սանջակը, Բիթլիսի վիլայէթից մի կտոր, Մուշի սանջակը, Բայազետի սանջակը և ելք դէպի ծով Բիզա նաւահանգստով: Թիւքը պատուիրակութիւնը մի ընդարձակ հակազդեցումով հերքեց հայերի պահանջի իրաւացի լինելը, ցոյց տալով, որ Թիւքահայաստանի յիշեալ մասերում հայերը երբեք մեծամասնութիւն